

Baeti ba go hlomphega, maloko a fakhalithi, dialoga, ba lapa le bagwera

Madume go Sealoga seo sa rategago

Le gatong la Yunibesithi ya Theknolotši ya Vaal (VUT), ke ka lethabo le boikgantšho bjo bo golo go lebogiša yo mongwe le yo mongwe go tšwa boteng bja pelo yaka ka moletlo wo wa moswananoši.

Lehono go laetša kgato ye bohlokwa leetong la lena, yeo le e šometšego ka maatla go e fihlelela, e swanelago ke go ketekwa le go retwa ka ditsela ka moka. Ka ge ele motsotso wa boikgantšho, go aloga ke nako ya go gopodišiša, le go naganela seo se sa tlogo. Letšatši le ga le lebapi le go hwetšwa mangwalo a lena fela, ke testamente ya kgolo ya lena go tša thuto le go bowena. Nakong ya lena mo VUT, ga le a hwetša fela tsebo efela le hweditše le mabokgoni a go nagana ka tsenelelo, boitlhamelo le go ba le maikarabelo setšhabeng.

Bjalo ka Motlatša Mokhantshelara le Hlogo ya VUT, ke ikwa ke le wa mahlatse go ba paki ya diphihlelelo tša lena tša maemo a godimo ga go šoma ka thatha, boikgafo le kgotlelelo ya lena. Le laeditše bokgoni bja tša thuto gammogo le dikhwalthi tša kgotlelelo, go ikemišetša le go ikamantšha go go lego bohlokwa go katlego ya matšatšing a lehono a go sebe le bonnete, a boima le ditlhalošo tše ntši. Ge le gata kgato ya bophelo bja lena bjo bo latelago – e ka ba bja go tšwetša pele dithuto tša lena, go tsena mošomong, go ba go šala morago tše le di ratago, gopola gore mabokgoni le maitemogelo ao le a hweditšego mo a tla le hlhla go fihlelela ditoro tša lena le go ba le khuetšo ye botse lefaseng. Dulang le na le phišegelo, tšwelangpele go ithuta, gape le se tšhabe ditlhohlo, ka gore re godišwa ke ditlhohlo. E bang le sebetse sa go šala morago dinepo tša lena, go ba le kgaugelo ditsenelelong tša lena, le maitshwara a mabotse diphehong tša lena.

Ke tlaleletša ka gore go aloga ga lena go tla ka nako ye bohlokwa yeo VUT e ketekago mengwaga ye masomepedi e le Yunibesithi ya Theknolotši. Mengwageng ye ka moka, VUT e be e, gape e sa tšwelapele go fana ka dithuto tša mangwalo a pele le mangwalo a dithuto a godimo a khathaloko yeo e atološitšwego ya mananeo a go lebana le intasteri, ao a lego mafapheng a Disaentshe tša Tiragatšo le Khomphitha, Entšineering le Theknolotši, Disaentshe tša Botho le Disaentshe tša Bolaodi. Re direla baithuti ba go fapafana ba go ba le dikgahlego le diphešagalelo mafapheng a go fapafapana ka Mananeo a rena Mangwalo a go Hlakanywa (PQM).

Go fihlelela mengwasome ye mebedi gase fela kgato ye bohlokwa go VUT, efela ke testamente ya boikgafo bja institšhušene go thuto, boitlhamelo, le bokgoni bjo bo botsebotse lefapheng la theknolotši. Digopotšo tše bjalo ka tše ga se fela motsotso wa go gopodišiša ka dikatlego tša morago efela le go lebelela ditšweletšopele tša ka moso le go tšea karolo lefaseng la theknolotši le thuto. Lehono re lebelela morago go ngwaga wa 2004 wo go bilego le popoleswa ya dithuto tša godimo yeo e swetšego VUT ka boikgantšho. Go tloga moo, intitšhušene e bile le kgolo mešomong le phihlelelong ya yona – gomme le seripa se segolo sa kanegelo ya rena ya phihlelelo le katlego.

Ka ge ke boletše go aloga ke nako ye botse ya go gopodišiša, ka fao, ke le hlotleletša gore le gopodišiša ka leeto la lena go fihla fa, le go lemoga thekgo yeo le e hweditšego go tšwa go bafahloši, baeletši ba tša thuto, baithuti mmogo, ba lapa le bagwera ba lena. Ka moka ba bile le seabe ka go tšeararolo go ditakatso tša lena tša mošomo, le ge e lego ga nnyane, go bohlokwa go laetša tebogo go bona. Ga re ba betheleng matsogo KUDU!

Sa mafelelo, lefase le emetše ditalente, dikgopolo le go tšeararolo ga lena. Sepelang ka boitshepo, khlofelo le phegelelo ya go dira phetogo.

Ke sa bušeletša, legatong la setšhaba sa VUT, ke le lakaletša tše botse le bokamoso bja go phadima le go kgotsofatša. A leeto la lena le tlale ka katlego, lethabo, le menyatla ye mentši.

Re a le lebogiša gape dialoga. Re ikgantšha kudu ka lena!